

Gangnaseðill 2020

Fjallskilanefnd Skagabyggðar hefur ákveðið að hinar venjulegu haustgöngur skuli fara fram haustið 2020 eftir því sem greinir í gangnaseðli þessum.

Fyrri göngur skuli fara fram laugardaginn 12. sept. en þær síðari laugardaginn 19. sept. sé gott leitarveður en annars næsta leitarfæran dag þar á eftir.

Í fyrri göngum skal smala sauðfé úr afrétt og heimahögum eftir venju, en í síðari göngum bæði sauðfé og hrossum. Skal fénaður allur rekinn til Fossárrettar.

Réttarstjóri í báðum réttum verði Vignir Sveinsson og sinna hann og Baldvin Sveinsson starfi smitvarnarfulltrúa í réttinni.

Taka þarf tillit til sóttvarnarráðstafana við göngur og réttarstörf þetta haustið og hafa leiðbeiningar verið gefnar út þess efnis (sjá aftar). Þær leiðbeiningar fylgja gangnaseðli og birtast á heimasíðu Skagabyggðar. Fjallskilanefnd óskar eftir góðu samstarfi við búfjáreigendur nú sem áður.

Útheiðargöngur

Norðan frá og þar fram sem sýslumörk ráða fram um Höfðavötn. Að vestan með sjó fram að Fossá að undanskildum afgirtum svæðum eftir venju.

Í fyrri og síðari göngur leggi þessir til menn:

Jón Helgi Víkum	4 menn
Vignir Höfnum	5 menn
Baldvin Tjörn	2 menn
Árni Króksseli	1 mann

Árni í Króksseli leggi til ökutæki að Skjaldbreið til að flytja latrækar kindur til réttar.

Gangnaforingi í báðum göngum verði Vignir Sveinsson.

Miðheiðargöngur

Auk hefðbundinna gangna í Miðheiðinni smali gangnamenn þar, land Skagstrendinga frá Greiðir á Refshala austur um Þverfell á sýslumörk og út um Hraunvatn.

Í fyrri og síðari göngur leggi þessir til menn:

Steinar Steinnýjarstöðum	3 menn
Rafn Örlygsstöðum	3 menn

Gangnaforingi í báðum göngum verði Steinar Kristjánsson.

Fjallagöngur

Úr Brandaskarði vestan fjalla meðfram girðingum eftir venju norður um Moldás. Austan fjalla verði smalað úr Brandaskarði eftir venju norður um Moldás.

Einnig smali fjallamenn land Skagstrendinga fyrir neðan Stallabrúnir niður í dalbotn.

Í fyrri og síðari göngur leggi þessir til menn:

Jens Brandaskarði	1 mann
Jónatan Bakka	1 mann
Sigþór Skeggjastöðum	3 menn
Guðjón Hofi	3 menn
Ingimar Gísli Hofi	2 menn
Arnar Páll Hofi	1 mann
Gangnaforingi í báðum göngum verði Guðjón Ingimarsson.	

Ásagöngur

Frá Hofsá að sunnan ofan girðinga út Brekku og Króksbjarg að Fossá en að framan samsíða fjallamönnum til Fossárréttar.

Í fyrri og síðari göngur leggi þessir til menn:

Steingrímur og Elín Kurfi	3 menn
Sigþór Skeggjastöðum	2 menn
Gangnaforingi í báðum göngum verði Steingrímur Benediktsson.	

Selnesrétt

Í fyrri og seinni Selnesrétt hirði fyrir Skagabyggð Steinn Rögnvaldsson Hrauni.

Fellsrétt

Í fyrri og seinni Fellsrétt hirði fyrir Skagabyggð Guðjón Ingimarsson Hofi.

Kjalarlandsrétt

Í fyrri og seinni Kjalarlandsrétt hirði fyrir fjallskiladeild Skagamanna Magnús Guðmannsson á Vindhæli.

Skrapatungurétt

Í Skrapatungurétt hirði fyrir fjallskiladeild Skagamanna Magnús Guðmannsson á Vindhæli og komi hann sauðfé og hrossum til réttra viðtakenda.

Eftirleit fer fram laugardaginn 26. september.

Í útheiðinni skal þá smala frá Selvatni að norðan um Selfell, austur um sýslumörk fram að Höfðavötnum. Að vestan um Svínafell og Stóru-Skjaldbreið.

Þessir leggi til menn:

Baldvin Tjörn	1 mann
Jón Helgi Víkum	1 mann
Vignir Höfnum	2 menn
Árni Króksseli	1 mann
Leitarstjóri verði Vignir Sveinsson.	

Smalað verður sama landsvæði og í fyrri göngum.

Í Miðheiðina leggi þessir til menn:

Rafn Örlygsstöðum	2 menn
Steinar Steinnýjarstöðum	2 menn
Leitarstjóri verði Steinar Kristjánsson.	

Fjöllin úr Brandaskarði norður fyrir Öxl smöluð og leggi þessir til menn:

Steingrímur og Elín Kurfi	1 mann
Guðjón Hofi	1 mann
Sigþór Skeggjastöðum	2 menn
Ingimar Gíslí	1 mann
Arnar Páll	1 mann
Leitarstjóri verði Sigþór Hallgrímsson.	

Guðjón á Hofi leggi til ökutæki að Langavatni í báðum göngum til að flytja latrækar kindur til réttar.

Fjárskil fara fram í Fossárrétt mánudaginn 5. október.

Jón Helgi í Víkum hirði fyrir Skagabyggð á fjárskilum Skeflunga.

Innansveitarfé sem finnst í eftirleit og við smölun heimalanda gangi til rétttra umráðamanna en utansveitarfé verði komið í Fossárrét og fjallskilastjóra gerð grein fyrir því.

Ætlast er til að umráðamenn landa hreinsi lönd sín af ókunnugum fénaði fyrir seinni réttir og fjárskil og komi þeim fénaði til Fossárréttar og fjallskilastjóra gerð grein fyrir því.

Komi ókunnugur fénaður fyrir á öðrum tímum eiga umráðamenn landa að ráðstafa þeim fénaði í samráði við eigendur fjárens. Ekki er gert ráð fyrir að fénaður verði látinn í réttarhólfrið eftir réttir.

Marklýsingu í Fossárrétt og á fjárskilum annist Hallgrímur Hjaltason og Guðjón Ingimarsson.

Gangnaforingjar eru minntir á að gæta þess vandlega að sjúkar kindur séu einangraðar svo fljótt sem við verður komið. Skal fjallskilastjóri sjá um að þær verði skoðaðar af dýralækni sé talin þörf á því.

Gangnaforingjar hafi samráð um tímasetningar milli gangnaflokka svo fénaður renni ekki inn á smalað land. Einnig eru gangnaforingar hvattir til að hafa samráð um talstöðvarrásir á milli svæða.

Með vísan til 10. greinar fjallskilareglugerðar heimilar fjallskilastjórn smölun ógirtra heimalanda fyrir sitt leiti allt að 10 dögum fyrir göngur svo menn geti nýtt sér slátrun og til að léttu á smalamennsku. Úrtíningur sem úr slíkum smölunum kemur, sem ekki er sóttur af eigendum, skal settur í náttuga við réttir sveitarfélagsins, ellegar aftur á afrétt.

Með vísan til 17. greinar fjallskilareglugerðar verður innheimt 50% álag á fjallskil frá og með haustinu 2019: „Ef einhver vanrækir að gera fjallskil, sem honum ber, skal hann greiða samsvarandi kostnað, auk sektar, allt að helmingi af matsverði fjallskila, sbr. 44. grein laga um afréttarmálefni, fjallskil o.fl., nr. 6/1986“.

Með vísan til 20. greinar fjallskilareglugerðar „Hafi búfjáreigandi engan hæfan mann til fjallskila og getur eigi útvegað hann, skal hann tilkynna hreppsnefnd eða fjallskilastjóra það skriflega fjórum dögum áður en fjallskilin eiga að vinnast, en þessir aðilar útvega mann eða annað sem vantar, svo sem hesta eða fæði, og borgar þá búfjáreigandi allan kostnað, sem af fjallskilum leiðir, án tillits til mats á þeim“.

Að öðru leyti en hér greinir fer um skyldur og réttindi manna eftir fjallskilasamþykkt fyrir Austur-Húnavatnssýslu nr. 299/2009.

Fjallskilastjóri er Baldvin Sveinsson.

Kind er 1 eining en hross er 5 einingar.

Gjald á einingu er 365 kr.

Gangnadagsverk er 12.000 kr.

Úr leiðbeiningum vegna gangna og rétta vegna COVID-10 frá LS, BÍ, SÍS, Almannaöryggisráði og Sóttvarnarlækni: Áhersla er lögð á að hver og einn beri ábyrgð á eigin athöfnum og að „Við erum öll almannavarnir“.

Vegna fjöldatakmarkanna sem miðast við 100 manns, er mælt til þess að gestir komi ekki til réttarstarfa og því verður fylgt eftir, því einungis þeir sem eiga fjárvon í réttum eða eru þar til að aðstoða við réttarstörf er heimilt að koma í réttina. Þeir sem eiga fjárvon í réttum skili inn áætluðum fjölda einstaklinga fæddum 2004 og fyrr, sem gætu komið í réttir, til oddvita fyrir göngur og er það gert til að áætla fjölda og eins til að auðvelda samskipti ef til smitrakningar kæmi.

Gangnaforingjar haldi nákvæman lista yfir þátttakendur í göngum, ásamt símanúmerum þeirra og skili til oddvita Skagabyggðar um leið og hann liggur fyrir.

Allir sem taka þátt í göngum og réttum skulu hlaða niður smitrakningarappi Almannaöryggisráðs.

Vegna smitvarna er **mælt til þess að áfengi verði ekki haft um hönd.**

Allir einstaklingar sem ekki deila heimili og taka þátt í göngum og réttum eru hvattir til að viðhalda 2ja metra fjarlægðarreglu í samskiptum við aðra.

Búast má við auknu eftirliti lögreglu við réttir.

Ekki verður veitingasala við Fossarrétt þetta haustið og er það ákveðið í samráði við kvenfélagið Heklu.

Fjallskilanefnd Skagabyggðar
Skagabúð 24. ágúst 2020.

